

NUVENA DI NATALI A MAZARA

Acqua nivi e ventu forti,
lampi e trona accussì lustru
San Giuseppi amaramenti
tuppuliannu iu a li porti.

Ci cumparsi flosamenti
a poi iddu un pillirinu
d'unni iti bona genti
cu sti granni friddurati.

Vinni iti a dda cuntrada,
c'è na rutta arriddussata
dda c'è pagghia e l'addumati,
risturati la nuttata.

Sennu dda Maria arrivata
visti poi na manciatura
dui armaluzzi a la latata
pocu frenu e pagghia dura.

Ddu armaluzzi a la latata
pocu frenu e pagghia dura
'menzu o voi e l'asineddu
nasciu Gesu u Bammineddu.